



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. IV. Scientia media à Deo rationem primi liberi,

---

[urn:nbn:de:hbz:466:1-77232](#)

sublimatus est ad talem dignitatem, & electus ad filiationem naturalem: *Quod ejus bonum (inquit) quaecunque præcessit? quid egit antè? quid credidit? quid perivit, ut ad hanc ineffabilem excellentiam perveniret?* Ergo &c. Sequa autem Majoris probatur ratione jam adducta. In signo rationis antecedente decretum prædestinationis Christi, una ex his propositionibus contradictionis, *Christus merebitur. Christus non merebitur*, est determinate vera: scilicet ista, *Christus merebitur*: Ergo in illo signo rationis, Deus cognoscit talem veritatem, & ipsa merita Christi futura; ac proinde non potest non moveri intuitu illorum ad ipsum prædestinandum. Unde olim Arriani tali præscientiā usi sunt, ad suum errorem comprobandum, ut conflat ex Epistola Alexandri Episcopi Alexandrini, ad alterum Alexandrum Episcopum Constantinopolitanum, quæ habetur in actis Concilij Niceni tomo 1. Conciliorum. Contendentes enim Christum non esse Filium Dei per naturam, sed solum per gratiam electum fuisse ad eam dignitatem, & excellentiam: cùm illis objiceretur, unde esset quod Sanctus Petrus aut Paulus, non fuerint similiter facti filii Dei, recurrebant ad præscientiam boni usus liberi arbitrij futuri. Tunc (inquit Alexander) omni exutā erga Deum pietate, ac reverentia, aiunt: *Deum cum præscientiā & præsensione prænovissi neuiquam ipsum aspernaturum, idcirco ex omnibus elegisse &c.* Quare Doctissimus Gaspar Ram, primarius Moderator Academiæ Oscensis relect. 3. de scientia conditionatorum, concl. 5. refert. primum scientiæ media inventum ad Arrianos, & ad Origenem lib. 3. Periarchon cap. 1. & 2. licet ibi non ita claram eam expreſſerit Origenes, sicut postea Massilienses, & Faſtus, qui in hac aſſertione perpetuus fuit, *Nisi præscientia exploraverit, prædestinatione nihil decernit.*

## §. III.

*Scientia media tollit à Deo rationem  
prima cause.*

137. §. 4. & **P**At hoc inconveniens ex suprà dictis: ut enim articulo præcedenti ostendimus, Deus non potest esse prima causa futuritionis conditionata rerum contingentium, & ordinis ad existentiam sub conditione habendam, qui in ea includitur, & per quem futura conditionata à merè possibilibus distinguuntur, nisi mediante aliquo decreto, subiectivè absoluто, & obiectivè conditionato, quod voluntas divina determinet illis dare esse, si poneretur aliqua conditio: Atqui scientia media talia decreta excludit: Ergo rationem primæ causæ à Deo tollit.

138. Neque hoc inconveniens effugient Adversarij, agnoscendo dependentiam conditionatorum à decreto futuro & ponendo, si poneretur conditio. Licet enim existentia rei conditionata futura, non sit præsens futuritionis tempore, ordinamen ad illam præsens est, ut docet D. Thomas quæſt. 12. de verit. art. 10. ad 2. & cause secundæ inclinationem & ordinationem de facto habent, ad causandum effectum qui est conditionata futurus. Item veritas obiectiva de tali futuro, præsens est futuritionis tempore; nec manet suspensa, & à conditione pendens, sicut ipsa futuratio: unde cùm talis ordo ad existentiam, & veritas illa obiectiva, quæ non est naturalis & necessaria, sed libera & contingens, exigant aliquam cau-

A sam actualem & præsentem, non potest salvati in Deo ratio primæ causæ, niſi in illo admittatur decretum aliquod conditionatum, actuale, & exercitum, nec sufficit futurum, seu ponendum, si poneretur conditio.

139.

Addo quòd, cùm decretum illud conditionat futurum, & ponendum, si poneretur conditio, ad quod recurrent Adversarij, non sit prædeterminans, sed purè indifferens, & à voluntate creatra determinabile, quantum ad speciem actus, determinat futuritio rerum contingentium, & actuū nostrorum liberorum, in illud, ut in pri-  
man causam reduci nequit: nam ut ait D. Thomas 3. contra Gent. cap. 2. Quod indifferenter se habet ad multa, non magis unum operatur, quām aliud.

Addo etiam, quod cùm juxta Adversarios cursus creatus determinet divinum, & determinans, prioritate saltem naturæ, debeat præcedere determinabile, concursus creatus aliquo modo præcedit divinum, & consequenter illius causalitatem sub aliqua ratione subterfugit; prius enim non dependet à posteriori tanquam à causa.

Infrā etiam ostendemus, scientiam medium eximere à divina causalitate determinationem voluntatis humanae, quæ est aliqua entitas, vel saltem modus & formalitas entis: Sed causalitas causa primæ debet esse universalissima, & sex tendere ad omne ens, & modum, aut formalitatem entis, ut docet D. Thomas 1. Perhierm. lect. 14. ubi ait: *Voluntas divina est causa quædam profundens totum ens, & omnes ejus differentias.* Et D. Augustinus 1. Confess. cap. 6. ubi docet supremum Dei in res omnes dominum, ex eo fluere quod usque ad eaurum fundum, id est ultimum es-  
tentiae gradum effector sit: Ergo scientia media tollit à Deo rationem primæ causæ.

140.

## §. IV.

*Scientia media tollit à Deo rationem  
primi liberi.*

D. **P**robatur primo: Primum liberum debet esse causa non solum remota & mediata, sed etiam proxima & immediata, totius libertatis create & participata; sicut primum ens debet immediatè causare, & efficere omnem entitatem, & existentiam creatam, & participatam à rebus; primum enim in quolibet genere, debet esse causa ceterorum: At scientia media subtrahit à Deo rationem causa proximæ & immediatæ, respectu liberæ determinationis nostræ voluntatis, quæ est aliqua libertas create & participata; implicat enim liberam determinationem nostræ voluntatis, causari à decreto indifferenti, & determinabili à voluntate creatra, quantum ad speciem actus, quale admittunt Assertores scientia media: Ergo illa tollit à Deo rationem primi liberi.

142.

Probatur secundo: Primum liberum debet esse primum eligens, & primum determinans; elige-  
re enim & determinare, est proprius actus libe-  
rtatis: At scientia media tollit à Deo rationem primi eligentis, & primi determinantis; cùm supponat electionem & determinationem voluntatis humanae, conditionatè futuram, ante omnem electionem, seu ante omne decretum actuale & exercitum voluntatis divinae: Ergo scientia media tollit à Deo rationem primi liberi.

143.

Confirmatur: Illa causa prius eligit & prius determinat, quæ per se primò attingit in effe-  
ctu, aliquam rationem priorem & nobiliorem,

## DISPUTATIO SEXTA

illâ quæ ab altera attingitur: At juxta principia Adversariorum, voluntas creata in suis effectibus & operationibus attingit aliquam rationem priorem, & nobiliorem eâ quæ per se primò attingitur à Deo: Ergo illa priùs eligit & priùs determinat. Major est evidens: cùm enim causa & effectus sint correlativa, judicandum est de prioritate & de posterioritate causarum, secundum prioritatem, vel posterioritatem effectuum. Minor verò probatur. Juxta doctrinam Adversariorum, voluntas creata attingit per se primò in actu & effectu quem producit, rationem specificam, & determinat Deum ad illam; Deus verò per suum concussum attingit per se primò rationem individualem, & determinat voluntatem ad eliciendam hanc numero operationem, vel producendum hunc effectum in individuo: Sed in quolibet actu & effectu, ratio specifica est prior, & perfectior individuali; cùm prima constitutat essentiam rei, secunda verò sit extra ejus naturam & quidditatem: Ergo juxta principia Adversariorum, voluntas creata attingit in suis actibus & effectibus, aliquam rationem priorem, & nobiliorem eâ quam Deus per suum concussum attingit.

## §. V.

*Scientia media tollit à Deo supremum dominium in nostras voluntates.*

<sup>145.</sup> Probatur. Ille qui haber supremum dominium in rem aliquam, potest eâ uti, eamque applicare ad quodcumque voluerit, quodcumque voluerit, & quandcumque voluerit; in hac enim potestate utendi, consistit ius dominativum, ut docent Theologi & Jurisperiti: unde quia voluntas est regina & domina ceterarum potentiarum, & charitas aliarum virtutum, eas movent & applicant ad suos actus elicendos. Ergo si Deus non possit applicare voluntates nostras, ad liberè volendum quidquid ipse voluerit eas velle; sed priùs explorare debeat, & prævidere per scientiam medium, quid illæ ex innata libertate sint volitare, nec possit illarum determinationem & consensum prædeterminare, & causare, tanquam primum liberum, & primum determinans; sed illum ab ea debeat expectare, & veluti emendicare, ac precario obtinere, manifestum est, quod non habebit supremum, & perfectum, ac regale dominium in voluntates nostras, sed politicum tantum & civile, quale Maritus habet in Vxorem, vel Consul, aut Magistratus in populum. Hoc autem repugnat Scripturæ & SS. Patribus: dicitur enim Proverb. 21. *Sicut divisiones aquarum, ita cor Regis in manu Domini: quocunque voluerit, vertet illud.* Quibus verbis Scriptura significat, cor Regis, quod inter omnia corda maximè liberum esse debet, ita esse sub manu & potestate Dei, & sub dominio ipsius, qualiter sunt aquæ sub manu hortulanii, quas derivat & dividit quomodo cumque voluerit: ita quod sicut aquæ non resistunt divisioni, quæ manu hortulanii fit, ita nec cor Regis, Deo efficaciter illud moventi. Unde sèpe docet Augustinus, *Deum habere cordium inclinandorum omnipotentissimam potestatem.* Illum magis habere in sua potestate voluntates hominum, quam ipsi homines. Deo volenti salvum facere, nullum humanum resistere arbitrium; illumque de ipsis hominum voluntatibus facere quod vult, & quando vult &c.

A Confirmatur & magis illustratur hæc ratio, <sup>146.</sup> Sicut Rex ille vel Dominus, non haberet perfectum & supremum dominium in servos, vel in subditos, qui non posset eis quidquam præcipere vel imperare, nisi quod prævideret, & præscribet illos suâ sponte, & propriâ inclinatione volituros; & qui non posset eos ad suam pertrahere voluntatem, sed potius cogeretur, voluntati illorum se accommodare: tunc enim talis Rex vel Dominus, potius faceret voluntatem subditorum & servorum, quam ipsi subditi & servi voluntatem Regis vel Domini. Ita similiter, Deus non habebit perfectum dominium in voluntates hominum, si non possit quidquam decernere, ac definire circa nos tristis actus liberos, nisi quod præscit, & prævidet per Scientiam medium, homines ex innata libertate volituros; nec operabitur omnia, juxta consilium voluntatis suæ, ut dicit Apostolus: sed potius secundum præscientiam, & prævisionem voluntatis nostræ, ut olim dicebat Faustus. Certè si Superioris in Religione, nihil aliud possent præcipere subditis, quam quod prævideret eos propriâ sponte, & inclinatione naturali esse volituros, facillimum esset illis obtemperare, nec magna esset illorum autoritas, & parvum ac ferè nullum obedientiæ meritum foret.

Confirmatur amplius: In sententia Adversarium verificari non potest id quod dicit Augustinus, Deum scilicet magis habere in sua potestate voluntates hominum, quam ipsi homines: Ergo illa contradicit Augustino, & tollit supremum, & regale dominium, quod Deus habet in voluntates nostras. Consequens patet, Antecedens probatur. Homines ratione perfecti dominij quod habent in suos actus, possunt se liberè determinare, & de facto se liberè determinant, ad quod voluerint, quando voluerint, & ubi voluerint: Ergo si Deus non possit, sine laſione libertatis, applicare, & determinare voluntates hominum, ad quod voluerit, & quando voluerit; sed debeat per Scientiam medium explorare futurum consensus voluntatis humanæ, ac expectare, & quarere occasiones, & opportunitates temporis, loci &c, manifestum est, quod non ita habebit D in sua potestate voluntates hominum, ac ipsi homines.

## §. VI.

*Scientia media derogat divina omnipotentia, at enervat efficaciam gratiae.*

Probatur primò: Juxta principia Adversarium, Deus servatæ libertate arbitrij nostri, non potuit promittere Abraham filios spirituales, per fidem & conversionem Gentium, ex facultatibus & thesauris suæ omnipotentia; sed solum ex presupposita Scientia media, quæ noverat, quod istæ vel illæ Gentes, tali tempore vocatae ad fidem, creditæ essent: vocatae, inquam, æquali vocacione externâ & internâ; imò fortè minori, quam alia Gentes, quæ non crediderunt: Sed hoc multum derogat divina omnipotentia, & enervat efficaciam divina gratiae: Ergo & Scientia media. Major pater, Minor probatur. Juxta hunc dicendi modum, quod Deus promissionem adimplere potuerit, non provenit tanquam à prima radice ab ejus omnipotenti, sed à potestate, & determinatione liberi nostri arbitrij: nisi enim hæc presupponeretur à Deo prævisa per Scientiam medium, Deus ex tota sua omnipotenti, & ex virtute auxiliorum gratiæ, quæ ab illa proveniunt,